

摘藻堂四庫全書薈要

集部

欽定四庫全書薈要

御選歷代詩餘卷三十七目錄

起五十八字
至六十字

虞美人 又一體

毛文錫 二首

顧夔 四首

鹿虔扆

閻選 二首

孫光憲 二首

馮延巳 二首

李珣

無名氏

歐陽修

吳邦禎

前調 又一體

晁補之

杜安世

前調 又一體

顧覓

前調 又一體

顧覓

臨江仙

馮延巳

王觀

前調 又一體

張孝祥

吳子孝

二首

望江南

又一體

馮延巳

二首

接賢賓

毛文錫

東坡引

又一體

辛棄疾

前調 又一體

辛棄疾

錦堂春 又一體

程秘

朝玉階

杜安世

惜瓊花

張先

冉冉雲

盧炳

韓澆

一翦梅

李清照

唐多令

劉過

二首

尹煥

陳允平 二首

蔣捷

周密 五首

張炎 七首

張林

汪元量

鄧剡

張翥

楊慎

一翦梅

又一體

周紫芝

周邦彥

辛棄疾

黃公度

劉儼

周文璞

史達祖 二首

韓澆 二首

方岳

盧炳

吳文英 三首

蔣捷 二首

歐良

石孝友

汪元量

王瑩卿

韓玉

吳山

周用

吳易

荷華媚

蘇軾

七娘子 又一體

賀鑄

毛滂 二首

謝逸

向子諲

感皇恩

張先 二首

釵頭鳳 又一體

程垓

陸游

史達祖

無名氏

朝玉階

又一體

杜安世

望遠行

又一體

韋莊

遐方怨 又一體

顧實

孫光憲

撥棹子

尹鶻

鞞紅

毛文錫

定風波

李泳

前調

又一體

陳允平

吳洪

散天花

舒亶

秋蕊香引

柳永

錦帳春

又一體

無名氏

後庭宴

無名氏

壽山曲

馮延巳

尋梅

沈會宗

選歷代詩餘卷三十七目錄

欽定四庫全書蒼要卷二萬七百十五

集部

御選歷代詩餘卷三十七

起五十八字
至六十字

虞美人

又一體雙調

五十八字

虞美人

毛文錫

鴛鴦對浴銀塘暖水面蒲梢短垂楊低拂麴塵波蛛絲
結網露珠多滴圓荷 遙思桃葉吳江碧便是天河隔
錦鱗紅鬣影沉沉相思空有夢相尋意難任

前調

毛文錫

寶檀金縷鴛鴦枕綬帶盤宮錦夕陽低映小牕明南園
綠樹語鴛鴦夢難成玉鑪香暖頻添炷滿地飄輕絮
珠簾不卷度沉煙庭前閒立畫秋千豔陽天

前調

顧覓

曉鶯啼破相思夢簾卷金泥鳳宿妝猶在酒初醒翠翹
慵整倚雲屏轉娉婷香檀細書侵桃臉羅袂輕輕斂
佳期堪恨再難尋綠蕪滿院柳成陰負春心

前調

顧 覓

碧梧桐映紗牕晚花謝鶯聲嬾小屏屈曲掩青山翠幃
香粉玉爐寒兩蛾攢顛狂年少輕離別辜負春時節
畫羅紅袂有啼痕魂銷無語倚閨門欲黃昏

前調

顧 覓

深閨春色勞思想恨共春蕪長黃鸝嬌嚀泥芳妍杏枝
如畫倚輕煙瑣牕前 凭闌愁立雙蛾細柳影斜搖砌
玉郎還是不還家教人魂夢逐楊花繞天涯

前調

顧 覓

翠屏閒掩垂珠箔。絲雨籠池閣。露黏紅藕咽。清香謝娘
嬌極不成狂。罷朝妝。小金灘。鴻沉煙細。膩枕堆雲鬢。
淺眉微斂。注檀輕舊。歡時有夢魂。驚悔多情。

前調

鹿虔扈

卷荷香澹。浮煙渚。綠嫩擎新雨。瓊牕疎透。曉風清。象牀
珍簟冷。光輕水紋平。九疑黛色屏。斜掩枕。上眉心。斂
不堪相望。病將成。鈿昏檀粉。淚縱橫。不勝情。

前調

閻選

粉融紅膩蓮房綻
臉動雙波慢
小魚銜玉鬢
釵橫石榴裙
染象紗輕轉娉婷
偷期錦浪荷深處
一夢雲兼雨
臂留檀印齒痕香
深秋不寐漏初長
儘思量

前調

閻選

楚腰蟻領團香玉
鬢疊深深綠
月蛾星眼笑
微顰柳天桃
豔不勝春晚妝勻
水紋簾映青紗帳
霧罩秋波上
一枝嬌臥醉芙蓉
良宵不得與君同
恨忡忡

前調

孫光憲

好風微揭簾旌起金翼鸞相倚翠簷愁聽乳禽聲此時
春態暗關情獨難平 畫堂流水空相翳一穗香搖曳
教人無處寄相思落花芳草過前期沒人知

前調

孫光憲

紅牕寂寂無人語暗澹梨花雨繡羅紋地粉新描博山
香炷旋抽條睡魂銷 天涯一去無消息終日長相憶
教人相憶幾時休不堪張觸別離愁淚還流

前調

馮延巳

碧波簾幙垂朱戶
簾下鶯鶯語薄羅依舊泣
青春野花芳草逐年新
事難論鳳笙何處高樓月
幽怨憑誰說
須臾殘照上梧桐
一時彈淚與東風
恨重重

前調

馮延巳

畫堂新霽情蕭索
深夜垂珠箔
洞房人睡月嬋娟
梧桐雙影上朱軒
立階前
高樓何處連宵宴
塞管吹幽怨
一聲已斷別離心
舊歡拋棄香難尋
恨沉沉

前調

李珣

金籠鶯報天將曙
驚起分飛處
夜來潛與玉郎期
多情不覺酒醒遲
失歸期
映花避月遙相送
膩髻偏垂鳳
卻回嬌步入香閨
倚屏無語
撚雲篔翠眉低

前調

無名氏

帳中草草軍情變
月下旌旗亂
褫衣推枕愴離情
遠風吹下楚歌聲
正三更
撫騅欲下重相顧
豔態花無主
手中蓮鐔凜秋霜
九泉歸去是仙鄉
恨茫茫

前調

歐陽修

爐香晝永龍煙白風動金鸞額畫屏寒掩小山川睡容
初起枕痕圓墜花鈿樓高不及煙霄半望盡相思眼
豔陽剛愛挫愁人故生芳草碧連雲怨王孫

前調

憶梅

吳邦禎

西溪十里漁邨路猶記看梅處暗香疎影最關情更憐
雪外一枝橫雨初晴而今別去梅花久梅好應如舊
風霜愧我漸蒼顏長教老鶴怨空山幾時還

前調

又一體
錢別

晁補之

原桑飛盡霜空杳
霜夜愁難曉
油燈野店怯黃昏
窮途不減酒杯深
故人心
羊山故道行人少
也送行人老
一般別語重千金
明年過我小園林
話如今

前調

杜安世

江亭春晚芳菲盡
行色青天近
畫橋楊柳也多情
暗拋飛絮惹前行
路塵清
彤庭早晚瞻虞舜
遙聽恩遷峻
二年歌宴綺羅人
片雲疎雨忍漂淪
淚沾巾

前調

又一體

顧 覓

觸簾風送景陽鐘
鴛鴦被繡花重曉
幃初卷冷煙濃
翠勻粉黛好儀容
思嬌慵起來無語
理朝妝寶匣鏡凝光
綠荷相倚滿池塘
露清枕簟藕花香
恨悠揚

前調

又一體

顧 覓

少年豔質勝瓊英
早晚別三清蓮冠
穩簪鈿篋橫飄飄
羅袖碧雲輕畫難成
遲遲少轉腰身
裊翠靨羞心小
醮壇風急杏枝香
此時恨不駕鸞凰
訪劉郎

臨江仙

又一體雙調

五十九字

臨江仙

馮延巳

秣陵江上多離別，雨晴芳草煙深。
路遙人去馬嘶，沉青帘斜掛裏，新柳萬枝金。
隔江何處吹橫笛，沙頭驚起雙禽。
徘徊一晌，幾般心，天長煙遠，凝恨獨沾襟。

前調

王觀

別浦相逢何草草，扁舟兩岸垂楊。
繡屏珠箔綺空囊，酒

深歌拍緩愁入翠眉長
燕子歸來人去也此時無奈
昏黃桃花應似我心腸
不禁微雨流淚濕紅妝

前調

又一體

張孝祥

罨畫樓前初立馬
隔簾笑語相親
鉛華洗盡見天真
衫兒輕罩霧鬢子
直梳雲翠葉銀絲
茉莉櫻桃淡注香
脣見人不語解留人
數杯愁裏酒
兩眼醉時春

前調

次韻答楊遠林見賀歸養

吳子孝

喜奉一封丹鳳詔
扁舟東下如飛
淚潛終日果成歸
爐

煙違畫省宮錦試春衣
堂上老人無恙承歡愛日長
輝傳家清白勝珠璣從今山共水杖屨肯相違

前調

吳子孝

玉阜金陵非遠別夢魂兩地常飛
故園猿鶴待來歸柔
絃酣倚曲稚子笑牽衣
處處良朋為伴竹林蓮社增
輝揮毫對客散珠璣願君長好在慰我久睽違

望江南

又一體雙調五十
九字亦名憶江南

望江南

馮延巳

去歲迎春樓上月正是西牕夜涼時節玉人貪睡墜釵
雲粉消妝薄見天真人非風月長依舊破鏡塵箏一
夢經年瘦今宵簾幙颺花陰空餘枕淚獨傷心

前調

馮延巳

今日相逢花未發正是去年別離時節東風次第有花
開恁時須約却重來重來不怕花堪折祇怕明年花
發人離別別離若向百花時東風彈淚有誰知

接賢賓

雙調五十九字唐詞也宋詞百十六字者號
集賢賓接其音相近有互用者義亦同也

接賢賓

毛文錫

香艷鏤檐五色驄值春景初融流珠噴沫蹠蹠汗血流
紅少年公子能乘馭金鑣玉纒瓏璫為惜珊瑚鞭不
下驕生百步千蹤信穿花從拂柳向九陌追風

東坡引

又一體雙調
五十九字

東坡引

辛棄疾

玉纖彈舊怨還敲繡屏面清歌自送西風鴈鴈行吹字
斷鴈行吹字斷夜深拜半月瑣牕西畔但桂影空階
滿翠帷自掩無人見羅衣寬一半羅衣寬一半

前調

又一體

辛棄疾

花梢紅未足條破驚新綠重簾下徧闌干曲有人春睡
熟有人春睡熟鳴禽破夢雲偏目蹙起來香顯褪紅
玉花時愛與愁相續羅裙過半幅羅裙過半幅

錦堂春

又一體雙調
五十九字

錦堂春

留春

程秘

最是春來苦多風雨只恁匆匆歸去看游絲都不恨恨
秦淮新漲向人東注 醉裏仙人惜春曾賦却不解留
春且住問何人留得住怕小山更有碧蕪春句

朝玉階

雙調五
十九字

朝玉階

杜安世

春色欺人拂眼青柳條綠絲軟雪花輕黃金纔鎖掩銀
屏陰沈深院靜語嬌鶯美人春困寶釵橫惜花芳態
淚盈盈風流何處最多情千金一笑須信傾城

惜瓊花

雙調五

十九字

惜瓊花

張先

汀蘋白苔水碧每逢花駐樂隨處歡席別時攜手看春

色螢火而今飛破秋夕
河流如帶窄任輕舟似葉何
計歸得斷雲孤鶩青山極樓上徘徊無限相憶

冉冉雲

雙調五十九字

一名弄花雨

冉冉雲

盧炳

雨洗千紅又春晚留牡丹倚闌初綻嬌姪姘偏賦精神
君看算費盡工夫點染帶露天香最清遠太真妃曉
妝體段拚對花滿把流霞頻勸怕逐東風零亂

前調

韓流

倚徧闌干弄花雨卷朱簾草迷芳樹山崦裏幾許雲煙
來去畫不就人家院宇 社寒梁燕呢喃舞小桃紅海
棠初吐誰信道午醉醒時情緒閒整春衫自語

一翦梅

雙調五十九字以李清照詞為格人以月滿樓句添一西字入六十字內今按本集正之

一翦梅

宋媛
李清照

紅藕香殘玉簟秋輕解羅裳獨上蘭舟雲中誰寄錦書

來鴈字回時月滿樓
花自飄零水自流
一種相思兩處閒
愁此情無計可消除
纔下眉頭却上心頭

唐多令

唐或作糖一名南樓令雙調六十字

唐多令 重過
武昌

劉過

蘆葉滿汀洲
寒沙帶淺流
二十年重到南樓
柳下繫舟猶未穩
能幾日又中秋
黃鶴斷磯頭
故人今在不舊江山
總是新愁
欲買桂花重載酒
終不似少年遊

前調 梅

劉過

解纜蓼花灣好風吹去帆二十年重過新灘洛浦凌波
人去後空夢繞翠屏間飛霧濕征衫蒼蒼煙樹寒望
星河低處長安綺陌紅樓應笑我為花事過江南

前調

吳興
席工

尹煥

蘋末轉清商溪聲供夕涼緩傳杯催喚紅妝斜挽烏雲
新浴罷裙拂地水沉香歌短舊情長重來驚鬢霜悵
綠陰青子成雙說著前歡佯不保颺蓮子打鴛鴦

前調

吳江道工
寄鄭可大

陳允平

何處是秋風月明霜露中算淒涼未到梧桐曾向垂虹
橋上看有幾樹水邊楓客路怕相逢酒濃愁更濃數
歸期猶是初冬欲寄相思無好句聊折贈鴈來紅

前調

陳允平

休去採芙蓉秋江煙水空帶斜陽一片征鴻欲頓閒愁
無頓處都著在兩眉峰心事寄題紅畫橋流水東斷
腸人無奈秋濃回首層樓歸去嬾早新月挂梧桐

前調

壽東軒

蔣捷

秋碧瀉晴灣樓臺雲影間
記仙家元在蓬山飛到鴈峰
塵更少三萬頃玉無邊
金醖倒垂蓮歌搖香霧鬟任
芙蓉月轉朱闌天氣已涼
猶未冷重九後小春前

前調

周密

絲雨織鶯梭浮錢點翠荷
燕風庭宇正清和苔面唾茸
堆繡逕春去也奈春何
宮柳老青蛾題紅隔翠波扇
鸞塵暗合歡羅門外綠陰深
似海應未比舊愁多

前調

周密

桂影滿空庭秋宵宵五更一聲聲都是消凝新鴈舊蛩
相應和禁不過冷清清酒與夢皆醒病因愁做成展
紅綃猶有餘馨暗想芙蓉城下路花可可霧冥冥

前調

周密

敲枕聽西風蛩階月正中弄秋聲金井梧桐閒憶十年
吳下路船幾度繫江楓輦路又迎逢秋如歸興濃歎
淹留還見新冬湖外霜林秋似錦一片片認題紅

前調

周密

開了木芙蓉一年秋已空送新愁千里孤鴻搖落江蘼
多少恨吟不盡楚雲峰往事夕陽紅故人江水東翠
衾寒幾夜霜濃夢斷屏山飛不去隨夜鵲遶疎桐

前調

周密

好夢不分明楚雲千萬層帶圍寬愁損蘭成玉杵玄霜
無咫尺青羽信更沉沉水調夜淒清清宵誰共聽砑
牋紅空賦傾城幾度欲吟吟不得可煞是沒心情

前調

送韓竹
澗歸杭

張炎

一見又天涯人生可歎嗟想難忘江上琵琶詩酒一瓢
風雨外都莫問是誰家 憐我鬢先華何愁歸路賒向
西湖重隱煙霞說與山童休放鶴最零落是梅花

前調

張炎

雲冷未全開簷冰雨沍苔入花根煖意先回一夜綠房
迎曉白空憶徧嶺頭梅 如幻舊情懷尋春上吹臺正
泥深十二香街且問謝家池畔草春必定幾時來

前調

懷西
湖

張炎

湖上景消磨飄零有夢過問堤邊春事如何可是而今
張緒老見說道柳無多客裏醉時過尋思安樂窩買
扁舟重緝漁蓑欲趁桃花流水去又怕有風波

前調

送杭
友

張炎

聚首不多時煙波又別離有黃金應鑄相思折得梅花
先寄我山正在裏湖西風雪肥荷衣休教鷗鷺知惜
絲絲猶混塵泥何日束書歸舊隱還只怕種瓜遲

前調

題聚
仙圖

張炎

會記宴蓬壺尋思認得無醉歸來事已模糊忽對畫圖
如夢寐又因甚下清都拍手笑相呼應書縮地符想
人間天上同途隔水一聲何處笛正月滿洞庭湖

前調

壽月
溪

張炎

天淨雨初晴秋清人更清滿吟牕柳思周情一片香來
松桂下長聽得讀書聲閒處卷黃庭年年兩鬢青佩
芳蘭嬾繫塵纓傍取溪邊端正月對玉兔話長生

前調

張炎

風雨客殊鄉
梧桐傍小牕
甚秋聲
今夜偏長
憶著舊時
歌舞地
誰得似
牧之狂
茉莉擁釵梁
雲窩一枕香
醉
曾騰多少思量
明月半牀人睡覺
聽說道夜深涼

前調

張林

金勒控花驄
故山雲霧中
翠蘋洲先有
西風
可惜嫩涼
時枕簟都付與
舊山翁
雙翠合
眉峰
淚華分
臉紅
向
尊前何太匆匆
纔是別離情
便苦都莫問
澹和濃

前調

吳江
中秋

汪元量

莎草被長洲吳江拍岸流憶故家西北高樓十載客
憔悴損搔短鬢獨悲秋人在塞邊頭斷鴻書寄不記
當年一片閒愁舞罷羽衣塵滿面誰伴我廣寒遊

前調

鄧剡

雨過水明霞潮回岸帶沙葉聲寒飛透牕紗懊恨西風
催世換更隨我落天涯寂寞古豪華烏衣日又斜問
堂前燕入誰家只有南來無數鴈和明月宿蘆花

前調

張翥

花下鈿篋篋尊前白雪謳記懷中朱李曾投鏡約釵盟
心已許詩寫在小紅樓忍淚上雲兜斷魂隨綵舟等
閒閒惹得離愁欲寄長河魚信去流不到白蘋洲

前調

中秋與二
客泛舟

楊慎

飛鏡露雲頭金波水面浮水晶宮今夜中秋喚取官奴
吹玉笛香霧濕錦雲留二客亦風流蜃川泛小舟問
何如赤壁黃州坡老有靈應鼓掌天地裏寄蜉蝣

一翦梅

又一體雙

調六十字

一翦梅

送楊師醇

周紫芝

無限江山無限愁
兩岸斜陽人工扁舟
闌干吹浪不多時
酒在離尊情滿滄洲
早是霜華兩鬢秋
目送飛鴻那更難留
問君尺素幾時來
莫道長江不解西流

前調

周邦彥

一翦梅花萬樣嬌
斜插疎枝略點眉梢
輕盈微笑舞低

回何事尊前拍手相招
夜漸寒深酒漸消袖裏時聞
玉釧輕敲城頭誰恁促殘更銀漏何如且慢明朝

前調

辛棄疾

獨立蒼茫醉不歸日暮天寒歸去來兮探梅踏雪幾何
時今我來思楊柳依依白石岡頭曲岼西一片閒愁
芳草萋萋多情山鳥不須啼桃李無言下自成蹊

前調

黃公度

冷豔幽香冰玉姿占斷孤高壓盡芳菲東君先暖向南

枝要使天涯管領春歸 不受人間鶯蝶知長是年年
雪約霜期嫣然一笑百花遲調鼎行看結子黃時

前調

劉儼

唱到陽關第四聲香帶輕分羅帶輕分杏花時節雨紛
紛山遶孤邨水遶孤邨 更沒心情共酒尊春山香滿
空有啼痕一般離思兩消魂馬上黃昏樓上黃昏

前調

周文璞

風韻蕭疎玉一團更著梅花輕裊雲鬟這回不是戀江

南只為溫柔天上人間
賦罷閒情共倚闌江月庭蕪
總是銷魂流蘇斜掩燭花寒一樣眉尖兩處關山

前調

史達祖

誰寫梅溪字字香沙邊幽夢常恁芬芳不如花酒伴昏
黃只怕東風吹斷人腸
小閣無燈月浸牕香吹羅袖
酒映宮妝如今竹外怕思量
谷裏佳人一片冰霜

前調

史達祖

秦客當樓泣鳳簫宮衣香斷不見纖腰隔年心事又今

宵折盡冰絃何用驚膠 些子輕魂幾度銷蘭騷蕙些
無計重招東牕一夢月華嬌也帶春愁飛上梅梢

前調

韓 澮

縹緲神仙雲霧牕說與蘇州未斷人腸帶湖煙月墮蒼
茫喚醒嫦娥春筍纖長 馬上琵琶半額妝撥盡相思
十二巫陽疎簾清簟入瀟湘佩玉鳴鸞吹下天香

前調

韓 澮

一朵梅花為和香淺色春風別樣宮妝西湖佳處更難

忘雪意江天渾斷人腸
清夜橫斜竹影牕贏得相思
魂夢悠揚玉溪山外水雲鄉
茅舍疎籬不換金章

前調

客中
新雪

方岳

誰翦輕瓊做物華春遶天涯
水遶天涯園林曉樹恁橫
斜道是梅花不是梅花
宿鷺聯拳倚斷槎昨夜寒些
今夜寒些孤舟箬笠釣煙沙
待不思家怎不思家

前調

元宵

盧炳

燈火樓臺萬斛蓮千門喜笑素月嬋娟
幾多急管與繁

絃巷陌駢闐畢獻芳筵
樂與民偕五馬賢綺羅叢裏
一簇神仙傳柑雅宴約明年
盡夕留連滿泛金船

前調

贈友

吳文英

遠目傷心樓上山愁裏
長眉別後蛾鬟暮雲低壓小闌
干教問孤鴻因甚先還
瘦倚溪橋梅夜寒雪欲消時
淚不禁彈翦成釵勝待歸
看春在西牕燈火更闌

前調

吳文英

老色頻生玉鏡塵
雪澹春姿越看精神
溪橋人去幾黃

昏流水泠泠都是啼痕
細雨輕寒暮掩門
萼綠燈前
酒帶香溫風情誰道不因春
春到一分花瘦一分

前調

吳文英

悶蕊驚寒減豔痕
蜂也消魂蝶也消魂
醉歸無月傍黃昏
知是花邨知是前邨
留得閒枝葉半存
好似桃根不是桃根
小樓昨夜雨聲渾
春到三分秋到三分

前調

蔣捷

小巧樓臺眼界寬
朝卷簾看暮卷簾
看故鄉一望一心

酸雲又迷漫水又迷漫
天不教人客夢安昨夜春寒
今夜春寒梨花月底兩眉攢倚徧闌干拍徧闌干

前調

舟過
吳江

蔣捷

一片春愁待酒澆江上舟搖樓上帘招秋娘渡與秦娘
橋風又飄飄雨又蕭蕭
何日歸家洗客袍銀字笙調
心字香燒流光容易把人拋紅了櫻桃綠了芭蕉

前調

歐良

漠漠春陰酒半酣風透春衫雨透春衫人家蠶事欲眠

三桑滿筐籃柘滿筐籃
先自離懷百不堪
檣燕呢喃
梁燕呢喃
篝燈強把錦書看
人在江南
心在江南

前調

送晁
駒父

石孝友

萍水相逢無定居
同在他鄉又問征途
離歌聲裏客心
孤花盡園林水滿江湖
煙樹微茫帶岼蒲
何處長沙
何處洪都要知安穩
到家無千里征鴻
一紙來書

前調

汪元量

十年舊事謾咨嗟
今日思家明日思家
一輪燕月照牕

紗樓上征笳塞上征笳
玉人勸我酌流霞急撚琵琶
緩撚琵琶一從別後各天涯
欲寄梅花莫寄梅花

前調

宋媛

王瑩卿

荳蔻梢頭春意闌風滿前山
雨滿前山杜鵑啼血五更
殘花不禁寒人不禁寒
離合悲懽事幾般離有悲懽
合有悲懽別時容易見時難
怕唱陽關莫唱陽關

前調

韓玉

鏡裏新妝鏡外情
小眉幽恨淺綠低橫
只疑閒縱繡鞍

塵不道天涯縈絆歸程
夢裏蘭閨相見驚玉香花瘦
春豔盈盈覺來敲枕轉愁人
門外瀟瀟風月三更

前調

出巡駐
贛州

吳山

玉帳牙旗控上游
粵嶠煙收閩嶠煙收
球門鏡吹轉山
陬昨日汀州今日虔州
鬱孤臺上試凝眸
章水分流
貢水分流滄江如練
鴈橫秋欲辦歸舟
難辦歸舟

前調

中秋

周用

畫船鏡吹下揚州
十里回頭千里回頭
燕山迢遞百花

洲一度中秋幾度中秋 遙天今夜片雲收風也無愁
雨也無愁憑高不減少年遊酒滿南樓月滿南樓

前調

吳易

紅染青楓白露霏江上鴻棲城上烏棲扁舟野客倒金
卮霜下花稀月下星稀 舊事紛紛總奕棋顰也西施
笑也西施英雄心事總成癡俊煞鴟夷惱煞鴟夷

荷華媚

雙調六

十字

荷華媚

蘇軾

霞苞露荷碧天然地別是風流標格重重青蓋下千嬌
照水好紅紅白白 每悵望明月清風夜甚低迷不語
天邪無力終須放船兒去清香深處住看伊顏色

七娘子

又一體雙

調六十字

七娘子

賀鑄

京江抵海邊吳楚鐵甕城形勝無今古北固凌高西津

橫渡幾人攜手分襟處
淒涼淥水橋南路
奈玉壺難叩鴛鴦語
行雨行雲非花非霧
為誰來為誰還去

前調

舟中
早秋

毛滂

山屏霧帳玲瓏碧
更綺牕臨水新涼入
雨短煙長柳橋
蕭瑟這番一日涼
一日離多綠鬢多時白
這離情不似而今
惜雲外長安斜暉
脈脈西風吹夢來
無迹

前調

和方回登
月波樓

毛滂

月光波影寒相向
借團團與做長壕樣
此老南樓風流

可想殷勤冰彩隨人上
欲同次道傾家釀有兵厨玉
盃金波漲雲外歸鴻煙中飛槩五湖秋興心先往

前調

謝逸

風翦冰花飛零亂映梅花素影搖清淺繡幄寒輕蘭熏
煙暖豔歌催得金荷卷游梁已覺相如倦憶去年舟
渡淮南岼別後銷魂冷猿寒鴈角聲只送黃昏怨

前調

向子諲

山圍水繞高唐路恨密雲不下陽臺雨霧閣雲牕風亭

月戶分明攜手同行處 而今不見生塵步但長江無
語東流去滿地落花漫天飛絮誰知總是離愁做

感皇恩

雙調六

十字

感皇恩

張先

廊廟當時共代工 睢陵千里約遠相從欲知賓主與誰
同宗支內黃閣舊有三公 廣樂起雲中湖山看畫軸
兩仙翁武陵佳話幾時窮元豐際德星聚照江東

前調

張先

延壽芸香七世孫
華軒承大對見經綸
溟魚一息化天
津袍如草三百騎
從清塵玉樹瑩風神
同時棠棣萼
一家春十年身是鳳
池人蓬萊闕黃閣
主遲談賓

釵頭鳳

又一體雙調六十字一
名玉瓏璫亦名折紅英

釵頭鳳

程垓

桃花暖楊花亂可憐
朱戶春強半長記憶
採芳日笑凭

郎肩殢紅偎碧惜惜惜 春宵短離腸斷淚痕長向東
風滿憑青翼問消息花謝春歸幾時來得憶憶憶

前調

陸游

紅酥手黃滕酒滿城春色宮牆柳東風惡歡情薄一懷
愁緒幾年離索錯錯錯 春如舊人空瘦淚痕紅濕鮫
綃透桃花落閒池閣山盟雖在錦書難托莫莫莫

前調

寒食飲
綠亭

史達祖

春愁遠春夢亂鳳釵一股輕塵滿江煙白江波碧柳戶

清明燕簾寒食憶憶憶
鶯聲暖簫聲短落花不許春
拘管新相識休相失翠陌吹衣畫樓橫笛得得得

前調

無名氏

城南路橋南樹玉鈎簾卷香橫霧新相識舊相識淺顰
低笑嫩紅輕碧惜惜惜 劉郎去阮郎住為雲為雨朝
還暮心相憶空相憶露荷心性柳花蹤跡得得得

朝玉階

又一體雙

調六十字

朝玉階

杜安世

簾捲春寒小雨天
牡丹花落盡
悄庭軒
高空雙燕舞
翩
翩無風輕絮
墜暗苔錢
擬將幽怨寫香箋
中心多少
事語難傳
思量真箇惡
因緣那堪長夢見
在伊邊

望遠行

又一體雙

調六十字

望遠行

韋莊

欲別無言倚畫屏
含恨暗傷情
謝家庭樹錦雞鳴
殘月

落邊城 人欲別馬頻嘶綠槐千里長堤出門芳草路
萋萋雲雨別來易東西不忍別君後却入舊香閨

遐方怨

又一體雙調六十字孫光
憲一首第五句向遺一字

遐方怨

顧 覓

簾影細葦紋平象紗籠玉指鏤金羅扇輕嫩紅雙臉似
花明兩條眉黛遠山橫 鳳簫歇鏡塵生遼塞音書絕
夢魂長暗驚玉郎經歲負娉婷教人爭不恨無情

前調

孫光憲

紅綬帶錦香囊為表花前意殷勤贈玉郎此時更闕役
心腸轉添秋夜夢魂狂思豔質想嬌妝願早傳金盞
同歡臥醉鄉任人猜妒惡猜防到頭須使似鴛鴦

撥棹子

雙調六

十字

撥棹子

尹鷲

風切切深秋月千朵芙蓉繁豔歇小檻細腰無力空羸

得目斷魂飛何處說
寸心恰似丁香結
看看瘦盡胸
前雪偏掛恨
少年拋擲羞覩見
繡被堆紅間不撤

鞞紅

雙調六

十字

鞞紅

毛文錫

粉香尤嫩霜寒可慣
怎奈向春心已轉
玉容別是一般
閒婉悄不管桃紅杏淺
月影簾櫳金堤波面
漸細細
香風滿院一枝折
寄故人雖遠
莫輒使江南信斷

定風波

本唐教坊樂名為詞調亦
名定風流雙調六十字

定風波

李 泳

點點行人趁落暉
搖搖煙艇出漁磯
一路水香流不斷
零亂春潮綠浸野
薔薇
南去北來愁幾許
登臨懷古
欲沾衣
試問越王歌舞地
佳麗只今惟有鷓鴣啼

前調

又一體

陳允平

慵拂妝臺嬾畫眉
此情惟有落花知
流水悠悠春脈脈

閒倚繡屏獨立多時
有約莫教鶯解語多愁却妒
燕于飛一笑薔薇辜舊約
載酒尋歡因甚嬾支持

前調

寄史
明古

吳洪

抖擻初衣未化緇此心只有故人知
却悔溪堂分袂易
悞我軟紅塵裏去多時
八測塘前沽酒店三高祠下
釣魚磯便與先生尋舊社
北郭西邨有約莫遲疑

散天花

雙調六十字此調絕似朝玉階亦與小重
山相近第以換頭結尾稍異另立調名也

散天花

舒亶

雲斷長空葉落秋寒江煙浪盡月隨舟西風偏解送離
愁聲聲南去鴈下汀洲無奈多情去復留驪歌齊唱
罷淚爭流悠悠別恨幾時休不堪殘酒醒凭危樓

秋蕊香引

雙調六

十字

秋蕊香引

柳永

留不得光陰催促奈芳蘭歇好花謝惟頃刻彩雲易散

琉璃脆驗前事端的
風月夜幾處前蹤舊跡忍思憶
這回望斷永作天涯隔
向仙島歸宴兩路無消息

錦帳春

又一體雙

調六十字

錦帳春

無名氏

春色難留酒懷常淺更舊恨新愁相間
五更風千里夢看飛紅幾片
這般庭院幾許風流
幾般嬌嬾問相見
如何不見燕飛忙鶯語亂
恨重簾不卷翠屏天遠

後庭宴

雙調六十字宋宣和間掘地得石刻載唐人詞
本無調名後人以後庭宴名之與後庭花無涉

後庭宴

無名氏

千里故鄉十年華屋亂雲飛過屏山簇眼重着褪不勝
春菱花知我消香玉 雙雙燕子歸來應解笑人幽獨
斷歌零舞遺恨清江曲萬樹綠低迷一庭紅撲蔌

壽山曲

六言十句不分前後
段作單調六十字

壽山曲

馮延巳

銅壺滴漏初盡高閣雞鳴半空催啓五門金鎖猶垂三
殿廉櫳階前御柳搖綠仗下宮花散紅鴛瓦數行曉日
鸞旂百尺春風侍臣舞蹈重拜聖壽南山永同

尋梅

雙調六

十字

尋梅


沈會宗

幽香淺淺濕未透認雪底思來始有翦裁尚覺瓊瑤皴

苦寒中越恁骨清肌瘦 東風氣象園林舊又去年而
今時候急宜小摘當尊酒選一枝且付玉人纖手



御選歷代詩餘卷三十七



總校官庶吉士臣張能照

校對官庶吉士臣陳宗本

謄錄監生臣楊邦彥

欽定四庫全書薈要

集部

御選歷代詩餘卷三十八
九

詳校官編修臣汪鏞



欽定四庫全書薈要

御選歷代詩餘卷三十八目錄

六十
字

臨江仙 又一體

蘇軾 十二首

秦觀

晁補之 十一首

陳師道

李之儀 二首



賀鑄

毛滂 三首

杜安世

舒亶

趙令時

晁冲之 二首

滕宗諒

蘇庠 二首

葛勝仲 六首

周紫芝 二首

謝逸

廖行之

曹組

葉夢得 五首

陳與義

趙長卿 四首

張元幹

張掄 二首

辛棄疾 三首

呂勝己

劉克莊 三首

李石

王千秋

黃機

劉鎮

馬莊父

王炎

高觀國

史達祖

韓澆

三首

張炎

石孝友

三首

李清照 二首

劉鼎臣妻 二首

蘇氏

完顏璫

韓玉

段成已

元好問 三首

張弘範

劉因

詹正

蒲道源

張翥

三首

張埜

無名氏

劉基

吳子孝

楊慎

吳洪

張綖

陳子龍

王鳳嫺

葉小鸞

前調 又一體

顧貞

御選歷代詩餘卷三十八目錄

欽定四庫全書薈要卷二萬七百十六

集部

御選歷代詩餘卷三十八

六十字

臨江仙

又一體雙

調六十字

臨江仙

黃岡贈
龍丘子

蘇軾

細馬遠馱雙侍女青巾玉帶紅鞵溪山好處便為家誰
知巴峽路却見洛陽花面旋落英飛玉蕊人間春日
初斜十年不見紫雲車龍丘新洞府鉛鼎養丹砂

前調

蘇軾

詩句端來磨我鈍，鈍錐不解生銜。歡顏為我解冰霜。酒
闌清夢覺，春草滿池塘。應念雪堂坡下老，昔年共采
芸香。功名成遂，早還鄉。回車來過我喬木，擁千章。

前調

離杭至潤
別張秉道

蘇軾

我勸髯張歸去好，從來已自忘情。塵心消盡道心平。江
南與塞北，何處不堪行。俎豆庚桑真過矣，憑君說與
南榮。願聞吳越報豐登。君王如有問，結韞賴王生。

前調 送王
緘

蘇軾

忘却成都來十載，因君未免思量。憑將清淚灑江陽。故山知好在，孤客自悲涼。座上別愁君未見，歸來欲斷無腸。殷勤且更盡離觴。此身如傳舍，何處是吾鄉。

前調

夜到揚州

蘇軾

尊酒何人懷李白，草堂遙指江東。珠簾十里捲香風。花開花又謝，離恨幾千重。輕舸渡江連夜到，一時驚笑衰容。語音猶自帶吳儂。夜闌相對處，依舊夢魂中。

前調

蘇軾

九十日春都過了貪忙何處追遊三分春色一分愁雨
翻榆莢陣風轉柳花毬閨苑先生須自責蟠桃動是
千秋不知人世苦厭求東皇不拘束肯為使君留

前調

風水
洞作

蘇軾

四大從來都徧滿此間風水何疑故應為我發新詩幽
花香澗谷寒藻舞淪漪借與玉川生兩腋天仙未必
相思還憑流水送人歸層巔餘落日草露已沾衣

前調

蘇軾

一別都門三改火天涯踏盡紅塵依然一笑作春溫無
波真古井有節是秋筠惆悵孤帆連夜發送行淡月
微雲尊前不用翠眉顰人生如逆旅我亦是行人

前調

登望湖樓

蘇軾

多病休文都瘦損不堪金帶垂腰望湖樓上暗香飄和
風春弄笛明月夜聞簫酒醒夢回清漏永殷牀無限
更潮佳人不見董嬌嬈徘徊花上月空度可憐宵

前調

蘇軾

夜飲東坡醒復醉歸來髣髴三更家僮鼻息已雷鳴敲
門都不應倚杖聽江聲長恨此身非我有何時忘却
營營夜闌風靜縠紋平小舟從此逝江海寄餘生

前調

贈王友道

蘇軾

誰道東陽都瘦損凝然點漆精神瑤林終自隔風塵試
看披鶴氅仍是謫仙人省可清言揮玉麈直須保器
全真風流何似道家純不應同蜀客惟愛卓文君

前調

蘇軾

冬夜夜寒冰合井畫堂明月侵幃青釭明滅照悲啼燈
花挑欲盡粉淚挹還垂未盡一尊先掩淚歌聲半帶
清悲情聲兩盡莫相違欲知腸斷處梁上暗塵飛

前調

秦觀

千里瀟湘接藍浦蘭橈昔日曾經月高風定露華清微
波澄不動冷浸一天星獨倚危樓情悄悄遙聞妃瑟
泠泠新聲含盡古今情曲終人不見江上數峯青

前調

晁補之

綠暗汀洲三月暮
落花風靜帆收垂楊低
映木蘭舟半篙春水滑
一段夕陽愁
灞水橋東回首處
美人親上簾鉤
青鸞無計入紅樓
行雲歸楚峽
飛夢到揚州

前調

晁補之

盡說彭門新半刺
昆吾剗玉如泥
功名餘事不須為
才情詩裏見風味
酒邊知好在阿咸
同老也青雲往歲
心期千鍾百首興
來時伯倫從婦勸
元亮信兒癡

前調

晁補之

十歲兒曹同硯席華裾織翠如葱
一生心事醉吟中相逢俱白首
無語對西風莫道尊前情調減
衰顏得酒能紅
可憐此會意無窮
夜闌人總睡
獨遶菊花叢

前調

南都留別

晁補之

曾唱牡丹留客飲
明年何處相逢
忽驚鵲起落梧桐
綠荷多少恨
回首背西風
莫歎今宵身是客
一尊未曉猶同此身應似去來鴻
江湖春水濶
歸夢故園中

前調

晁補之

常記河陽花縣裏恰如飯顆山逢春城何處滿絲桐綸
巾并羽扇君有古人風重向梁王臺畔見黃花綠酒
誰同新詩別後寄南鴻回頭思照碧人在白雲中

前調

信州作

晁補之

謫宦江城無屋買殘僧野寺相依松間藥臼竹間衣水
窮行到處雲起坐看時一箇幽禽緣底事苦來醉耳
邊啼月斜西院愈聲悲青山無限好猶道不如歸

前調

晁補之

身外閒愁空滿眼就中歡事常稀明年應賦送春詩試
從今夜數相會幾多時淺酒欲邀誰共勸深情惟有
君知東溪春近好同歸柳垂江上影梅謝雪中枝

前調

晁補之

自古齊山重九勝登臨夢想依依偶來恰值菊花時難
逢開口笑須插滿頭歸昨夜一江風色好平明秋浦
帆飛可憐如赴使君期且當酬令節不用歎斜暉

前調

晁補之

馬上匆匆聽鵲喜
朦朧月澹黃昏
碧羅雙扇曉光分
鉛華先辨臉
朱色怎分脣
暫別寶奩蛛網
徧春風
淚汚榴裙香箋小字
寄行雲
纖腰非學楚寬帶
為思君

前調

晁補之

離別尋常今白首
更須竹雨蕭蕭
不應都占世間豪清
風居士手楊柳
洛城腰
文字功名真自誤
從今好月
良宵只須憐取
董嬌
媿脩門君
自到不用我詞招

前調

晁補之

君似蒼崖千仞竹一枝孤映蒿蕭簞瓢不減萬鍾豪閒
情搔短髮佳句詠纖腰 罷酒蘭舟回楚枕相思何處
今宵淮南幽桂水雲饒他年春草恨應有小山招

前調

送疊羅菊
與趙使君

陳師道

宮樣初黃過九日鮮妍時更宜寒挽回人意不成闌香
羅堆葉密芳意著心單 過與後房歌舞手輕盈喜色
生顏墮釵擁髻與垂鬟欲知誰稱面偏插一枝看

前調

李之儀

知有閨風花解語從來祇許傳聞光明休詠漢宮新擁
身疑有月襯步恨無雲莫把金樽容易勸坐來幾度
銷魂不知仙骨在何人好將千歲日占斷四時春

前調

李之儀

九十日春都過了尋常偶到江皋水容山態兩相饒草
平天一色風暖燕雙高酒病厭厭何計那飛紅更送
無聊鶯聲猶似耳邊嬌難回巫峽夢空恨武陵桃

前調 立春

賀鑄

巧翦合歡羅勝子
釵頭春意翩翩
豔歌淺笑拜媽然
願郎宜此酒行樂駐華年
未老文園多病客
幽襟悽斷堪憐
舊遊夢掛碧雲邊
人歸落雁後
思發在花前

前調

毛滂

古寺長廊清夜美
風松煙檜蕭然
石闌干外上踈簾
暈雲間窈窕斜月靜
嬋娟
獨自徘徊無箇事
瑤琴試奏
流泉曲終誰見
枕琴眠香箋蚪尾
細燈燼玉蟲偏

前調

毛滂

莫恨那回容易別不妨久遠情腸為人留下舊風光花
枝常自好馥馥十年香便是舊時簾外月却來小檻
低牕朦朧影裏淡梳妝相看如夢寐回首怎思量

前調

都城
元夕

毛滂

聞道長安燈夜好雕輪寶馬如雲蓬萊清淺對觚稜玉
皇開碧落銀界失黃昏誰見江南顛顚客端憂懶步
芳塵小屏風畔冷香凝酒濃春入夢牕破月尋人

前調

杜安世

徧地殘花庭院靜
流鶯對對相過
萬條風柳間
婆娑櫻桃初弄色
萱草自成窠
早是芳菲時節晚
追遊期會無多
睂山斂翠近秋波
日長初睡起
愁與病相和

前調

送李
易初

舒 亶

折柳門前鸚鵡綠
河梁小駐歸船
不堪華髮對離筵
孤邨啼鴉日深
院落花天
文采弟兄真疊玉
赤霄去路誰先
明朝便恐各風煙
江山如有恨
桃李自無言

前調

趙令時

枝上粉香吹欲盡，依前庭院春風。更誰同遠。摘芳叢漏
殘金獸，冷信斷錦屏空。看結燈花，愁不睡，酒闌無夢。
相逢淒涼，長判一生中。不如雲外月，永夜在房櫳。

前調

晁沖之

憶昔西池池上飲，年年多少歡娛。別來不寄一行書。尋
常相見了，猶道不如初。安穩錦屏今夜夢，月明好渡
江湖。相思休問定何如。情知春去後，管得落花無。

前調

晁沖之

雙舸亭亭橫晚渚城中飛觀嵯峨畫橋燈火照清波玉
鉤平浸水金鎖半沉河試問無情堤上柳也應厭聽
驪歌人生無奈別離何夜長嫌夢短淚少恨愁多

前調

巴陵

滕宗諒

湖水連天天連水秋來分外澄清君山自是小蓬瀛氣
蒸雲夢澤波撼岳陽城帝子有靈能鼓瑟淒然依舊
傷情微聞蘭芷動芳馨曲終人不見江上數峯青

前調 荷花

蘇庠

獵獵風蒲初暑過蕭然庭戶秋清野航渡口帶煙橫晚
山千萬點別鶴兩三聲 秋水芙蓉聊蕩槳一尊同破
愁城蓼花灘上白鷗明暮雲連極浦急雨暗長汀

前調

贈張
建康

蘇庠

本是白蘋洲畔客虎符臥鎮江城歸來猶得趁鷗盟柳
絲搖曉市杜若徧芳汀 莫惜飛觴仍墮幘柳邊依約
鶯聲水秋鱸熟正關情只愁宣室召未許釣船輕

前調

姜尉
託疾

葛勝仲

郊外黃塵端可厭歸來移病香閨象牀珍簟共委蛇者
婆尋草盡天女散花遲 小雨作寒秋意晚簷聲與夢
相宜冷侵羅幌篆煙微試評書五朶何似畫雙眉

前調

上巳九曲
池流杯

葛勝仲

小樣洪河分九曲飛泉環繞粼粼青蓮往事已成塵羽
觴浮碧甃寶劍捧金人 綠綺且依流水調逢逢撾鼓
催巡玉堂詞客是嘉賓茂林脩竹地大勝永和春

前調

上巳海昌
王氏園

葛勝仲

倦客身同舟不繫輕帆來訪儒仙春風上巳豔陽天天
桃方散錦高柳欲飛綿千古海昌佳絕地雙鳧暫此
留連通宵娛客破芳筵蘭亭脩禊事梓澤醉名園

前調

章圃賞
瑞香

葛勝仲

二月風光濃似酒小樓新濕青紅碧琉璃色映羣峯更
攜金鑿落來賞錦熏籠詞客舊留花月旦此葩清軟
纖穠未饒蘭蕙轉光風赤闌呈雅豔翠幙護芳叢

前調

葛勝仲

雪壁歌詞題尚濕春風又見輕紅一枝斜插映眉峯不
辭連夜賞銀燭透紗籠白髮欺人今老矣尊前羞見
繁穠清香猶嫪虎溪風海棠須避席佳種謾蠶叢

前調

錦熏閣
賞花

葛勝仲

檻外竒葩江外種嬌春未減猩紅畫樓晴日歛雲峯佛
香來海岸蜀錦薦燈籠今夜那憂煞風景酒花來鬪
妖穠江梅冷澹避春風明朝來縱賞應醉綺羅叢

前調

周紫芝

水遠山長何處去，欲行人似孤雲。十分瘦損沈休文。忍將秋水鏡，容易與君分。試問梨花枝上雨，為誰彈滿清尊。一江風月黯離魂。平波催短棹，小立送黃昏。

前調

送曾光州

周紫芝

記得武陵相見日，六年往事堪驚。回頭雙鬢已星星。誰知江上酒，還與故人傾。鐵馬紅旗寒日暮，使君猶寄邊城。只愁飛詔下青冥。不應霜塞晚，橫槩看詩成。

前調

謝逸

玉樹臨風賓欲散，黃昏鐵馬嘶庭幽。歡未盡，有餘清瓊
糜。方一啜，銀燭已雙擎。坐久香津生齒頰，何須五斗
消醒。豔歌聲裏醉魂醒，明年思此會。旌旆想登瀛。

前調

元宵

廖行之

春意忙忙春色裏，又還幾度花期。澹晴時候儘融怡。梅
顛翻白後，柳眼弄青時。正是江城天氣好，樓臺燈火
星移。相逢無處不相宜。輕狂行樂去，明月夜深歸。

前調

曹組

青瑣牕深紅獸暖燈前共倒金尊數枝梅浸玉壺春雪
明渾似曉香意欲成雲戶外馬嘶催客起席間歡意
留人從他微霰落紛紛不妨吹酒面歸去醒餘醺

前調

葉夢得

不見跳魚翻曲港湖邊特地經過蕭蕭疎雨亂風荷微
雲吹盡散明月墮平波白酒一杯還徑醉歸來散髮
婆娑無人能唱採菱歌小軒敲枕簟簷影挂星河

前調

葉夢得

自笑天涯無定準，飄然到處遲留。興闌却上五湖舟。鱸
蓴新有味，碧樹已驚秋。臺上微涼初過雨，一尊聊記
同遊。寄聲時為到滄洲。遙知敲枕處，萬壑看交流。

前調

南山臺成
與客看月

葉夢得

絕頂參差千嶂外，不知空水相浮。下臨湖海見三洲。落
霞橫暮景，為客小遲留。卷盡微雲天更濶，此行不負
清秋。忽驚河漢近人流。青霄元有路，一笑倚瓊樓。

前調

葉夢得

碧瓦新霜侵曉夢黃花已過清秋風帆何處挂扁舟故人歸欲盡斜日更回頭樂圃橋邊煩借問有人高臥江樓寄聲聊為訴離憂桂叢應已老何事久淹留

前調

席上
梅花

葉夢得

不與羣芳爭豔豔化工自許寒梅一枝臨晚照歌臺眼明渾未見絃管莫驚催記取劉郎歸去路千年應話天台酒闌不惜更重陪夜寒衣袂薄猶有暗香回

前調

夜登小閣憶
洛中舊遊

陳與義

憶昔午橋橋上飲，座中多是豪英。
長溝流月去無聲，杏花疎影裏，吹笛到天明。
二十餘年如一夢，此身雖在堪驚。
閒登小閣看新晴，古今多少事，漁唱起三更。

前調

趙長卿

天外濃雲雲外雨，雨聲初上簷牙。
紅葉應褪洗妝花，晚涼如有意，習習到山家。
為喚山童多索酒，金鍾細酌流霞。
暈生玉頰酒潮斜，間中無寵辱，醉裏是生涯。

前調

趙長卿

過盡征鴻來盡燕故園消息茫然一春憔悴有人憐懷
家寒食夜中酒落花天見說江頭春浪渺殷勤欲送
歸船別來此處最縈牽短篷南浦雨疎柳斷橋煙

前調

趙長卿

日欲低時江景好暮山紫翠重重釣筒收盡碧潭空一
船霜夜月兩岸荻花風遙憶暖春新向火黃昏下了
簾櫳水邨漁浦樣孤篷單衾愁夢斷無夢轉愁濃

前調

趙長卿

人在夢雲樓上別殘燈影裏遲留依稀綠慘更紅羞露
痕雙臉濕山樣兩眉愁 幾幅片帆天際去雲濤煙浪
悠悠今宵獨立古江頭水腥魚菜市風碎荻花洲

前調

茶蘼

張元幹

鶯喚屏山驚睡起嬌多須要郎扶茶蘼斗帳罷熏爐翠
穿珠落索香泛玉流蘇 長記枕痕銷醉色日高猶倦
妝梳一枝春瘦想如初夢迷芳草路望斷素鱗書

前調

張掄

聞道彤庭森寶仗，霜風逐雨驅雲。六龍扶輦下青冥。香
隨鸞扇遠，日射赭袍明。簾捲天街人隘路，滿城喜望
清塵歡聲。催起嶺梅春。欲知天意好，昨夜月華新。

前調

禁中
丹桂

張掄

玉宇涼生清禁曉，丹葩色照晴空。珊瑚敲碎小玲瓏。人
間無此種，來自廣寒宮。雕玉闌干深院靜，嫣然凝笑
西風。曲屏須占一枝紅。且圖敲醉枕，香到夢魂中。

前調 探梅

辛棄疾

老去惜花心已懶，愛梅猶遶江邨。一枝先破玉溪春，更無花態度，全是雪精神。 臘向青山餐秀色，為渠著句清新。竹根流水帶溪雲，醉中渾不覺，歸路月黃昏。

前調

辛棄疾

風雨催春寒食近，平原一片丹青。溪頭喚渡柳邊行，花飛蝴蝶亂，桑嫩野蠶生。 綠野先生閒袖手，却尋詩酒功名。未知明日定陰晴，今宵成獨醉，却笑衆人醒。

前調

簪花屢墮戲作

辛棄疾

鼓子花開春爛漫，荒園無限思量。今朝拄杖過西鄉，急呼桃葉渡為看，牡丹忙。不管昨宵風雨橫，依然紅紫成行。白頭陪奉少年場，一枝簪不住，推道帽簷長。

前調

呂勝己

忽憶裴公臺上去，遠空秋氣稜稜。萬山一水秀還明。此時三楚客，何意讀騷經。愛竹子猷參杖履，能詩侯喜同登。賡酬不盡古今情。清風生白塵，側月照疎星。

前調

種海棠作

劉克莊

落魄長官江海客少年萬里尋春而今憔悴向溪濱斷
無觴詠興惟有簿書塵手插海棠三百本等閒妝點
芳辰他年絳雪映紅雲叮嚀風與月記取種花人

前調

潮惠道中

劉克莊

不見仙湖能幾日塵沙變盡形容夜來月冷露華濃都
忘苑屋下但記畫船中兩岸綠陰猶未合更須補竹
添松最憐幾樹木芙蓉手栽纔數尺別後為誰紅

前調

已酉和實
之燈夕

劉克莊

玉筵鈿車當日事東塗西抹都曾間
曲子壓和凝縱遊非草草已醉強惺惺
今向三家邨送老身如罷講
吳僧高樓百尺不須登半爐燒葉火
一盞勘書燈

前調

李石

煙柳疎疎人悄悄畫樓風外吹笙倚闌聞喚小
紅聲熏香臨欲睡玉漏已三更坐待不來來
又去一方明月
中庭粉牆東畔小橋橫起來花影下扇子撲流螢

前調

王千秋

柳巷鶯啼春未曉畫堂環珮珊珊熏爐烘煖鷓鴣斑壽
杯須斗酌舞袖正弓彎未說珥貂橫玉事勲名且勒
燕然歸來方卜五湖間年年花月夜沉醉綺羅間

前調

黃機

上巳清明都過了客愁惟有心知子規昨夜忽催歸驛
程那復記魂夢已先飛回首故園花與柳枝枝葉葉
相思歸來拚得典春衣綠陰幽邃處不管盡情啼

前調

劉鎮

蕩紫飄紅芳信斷都無人問穠纖吟鞭倚醉問涼蟾香
消金縷篆塵壓寶妝匳夢峽朝雲飛不到一春離緒
厭厭却疑歸燕礙重簾心期花底誤眉眼柳邊添

前調

馬莊父

人意舒閒春事到徐徐弄日微雲翠鬢飛繞鬧蛾羣煙
橫沽酒市風轉落梅邨歲事一新人半舊相逢際晚
醺醺花間亭館柳間門尅除風雨外排日醉紅裙

前調

王炎

鷓鴣一聲春事了，不知苦勸誰歸。花梢香露染薔薇。小梅酸著齒，酒榼正堪攜。鴨綠一篙新雨過，遠山半出修眉。仙翁理棹欲來時。遶簷烏鵲喜，報與主人知。

前調

高觀國

俱是洛陽年少客，才華迴出天真。青衫慣拂軟紅塵。酒狂因月舞，詩俊為梅新。寄語長安風月道，鶯花緩作青春。披風沐露問前津。客中春不當，歸去倍還人。

前調

史達祖

愁與西風應有約
年年同赴清秋
舊遊簾幙記揚州
一燈人著夢雙鴈月當樓
羅帶鴛鴦塵暗澹更須整頓
風流天涯萬一見溫柔瘦應因此瘦羞亦為郎羞

前調

韓流

脆管繁絃無覓處
小樓空掩遙山柳
絲直下曲闌干
海棠紅欲褪
玉釧怯春衫
璫酒不成芳信斷
社寒新燕
呢喃雕盤慵整
寶香殘綺疏明
薄暮簾外雨潺潺

前調

韓 流

羅帳畫屏新夢悄
綠牕慵起香殘重簾生
怕倚闌干春風吹玉水
春雪滿靈山
梁燕未來歸鴈動
海棠纔帶紅酣酒
愁花恨霎時間煙雲催薄暮
絲雨濕輕寒

前調

韓 流

竹樹陰陰流澗水
黃鸝飛去飛還蓬門籬落小橋灣
更無塵跡到我自愛其間
雨又隨風催薄暮
輕雷時動雲班歸來涼意一牕閒
病餘真倦矣睡熟簟紋寬

前調

墨水
仙

張炎

翦翦春冰出萬壑和春帶出芳叢誰分弱水洗塵紅低
回金鑿落約畧玉玲瓏昨夜洞庭雲一片朗吟飛過
天風戲將瑤草散虛空靈根何處覓只在此山中

前調

石孝友

醉袖吟鞭竹色裏帽簷低處風斜晚山一半被雲遮殘
陽明遠水古木集棲鴉暮去朝來緣底事不如早早
還家曲屏深幌小牕紗翠沾眉上柳紅搵臉邊花

前調

石孝友

買笑當歌何處好
小樓四面江山玉梅枝上卸餘寒雨
隨春到急風向晚來顛
任自腰圍都瘦損肯教歡意
闌珊引杯相屬莫留殘花和人競
好人與月爭圓

前調

石孝友

枕上鶯聲初破
睡峭寒輕透簾幃起來惆悵有誰知
雨狂風轉急揉損好花枝
薄倖別來春又老等閒誤却
佳期斜陽影裏立多時
遠山何事翠相對蹙修眉

前調

宋媛

李清照

庭院深深深深幾許雲牕霧閣春遲為誰憔悴瘦芳姿夜
來清夢好應是發南枝 玉瘦檀輕無限恨南樓羌管
休吹濃香開盡有誰知暖風遲日也別到杏花時

前調

李清照

庭院深深深深幾許雲牕霧閣常扃柳梢梅萼漸分明春
歸秣陵樹人客建安城 感月吟風多少事如今老去
無成誰憐憔悴更凋零燈花空結蕊離別共傷情

前調

劉鼎臣妻

何處甘泉來席上嫩黃初瀉銀瓶月團嘗罷有餘清惠
山名品好歌舞暫留停欲賞霍源新氣味不應兼進
稀苓此中端有澹交情相如方病酒一飲骨毛輕

前調

劉鼎臣妻

記得高堂同飲散一杯湯罷分攜絳紗籠影簇行旗更
殘銀漏急天澹玉繩低只恐曲終人不見歌聲且為
遲遲如今車馬各東西畫堂攜手處疑夢又疑非

前調

立春寄
季順妹

宋媛

蘇氏

一夜東風穿繡戶融融暖應佳時春來何處最相知平
明堤上柳染徧鬱金枝姊妹嬉遊時節近今朝應怨
來遲憑誰說與到家期玉釵頭上勝留待遠人歸

前調

完顏璫

倦客更遭塵事冗故尋閒地婆娑一尊芳草一聲歌盧
郎心未老潘令鬢先皤醉向繁臺臺上問滿川細柳
新荷薰風樓閣夕陽多倚闌凝思久漁笛起煙波

前調 梅花

韓 玉

月是銀釭溪是鏡雲霓與作衣裳夜寒獨立竹籬傍妝
成那待粉笑罷自生香 自古佳人多薄命枉教傲雪
凌霜從來林下異閨房何須三弄笛方斷九迴腸

前調

段成已

走徧人間無一事十年歸夢悠悠行藏休更倚危樓亂
山明月曉滄海冷雲秋 詩酒功名殊不惡箇中未減
風流西風吹散兩眉愁一聲長嘯罷煙雨暗汀洲

前調

元好問

昨夜半山亭下醉窪尊今日留題放船直到浙江西玉
壺天上下雲錦樹高低世上紅塵爭白日山中太古
熙熙外人初到故應迷桃花三百里渾是武陵溪

前調

元好問

自笑此身無定在北州又復南州買田何日遂歸休向
來元落落此去亦悠悠赤日黃塵三百里嵩丘幾度
登樓故人多在玉溪頭清泉明月曉高樹亂蟬秋

前調

元好問

夏館秋林山水窟家家林影湖光三年間為一官忙簿
書愁裏過筍蕨夢中香 父老書來招我隱臨流已蓋
茅堂白頭兄弟共論量山田尋二頃他日作桐鄉

前調

張弘範

千古武陵溪上路桃源流水潺潺可憐仙侶剩濃歡黃
鸝驚夢破青鳥喚春還 回首舊遊渾不見蒼煙一片
荒山玉人何處倚闌干紫簫明月底翠袖暮雲寒

前調

劉因

行色匆匆緣底事
山陽梅信相催
梅花香底有新醅
南州今樂土得意且銜杯
君見太行憑寄語
雲間蒼壁崔嵬
平生遮眼厭黃埃
高樓吾有興無惜送青來

前調

詹正

白髮壯心還未減
春風夢遶揚州
青山隱隱水悠悠
征帆從蕩漾行李亦風流
向日侍郎今右相
元龍豪氣橫秋月
明千里鎮淮樓
依然青眼舊應不負依劉

前調 詠梅

蒲道源

聞說東庵梅最好何須遠訪西湖金衣相映玉肌膚幽
香俱可愛顏色不妨殊 花主惜春仍好事賞花清似
林逋冰蕤雪萼正敷腴只愁無客至那怕酒頻沽

前調

賦柳

張翥

搖蕩春光湖上路多情偏識侶條畫船繫在赤闌橋花
飛人別處綠暗雨休朝 惱亂東風扶不起空憐燕婉
鶯嬌舞衣香冷董嬌嬌相思無限恨猶似舊宮腰

前調

張翥

羨殺漁家生處樂，隔灣數點青燈。蓑衣忘在石磯層。蓼花秋釀酒，楓葉晚垂罾。時向瓦甌篷底醉，往來鷺侶鷗朋。老翁倚棹坐，曾騰有魚，吾欲買，揺手不能應。

前調

張翥

羨殺漁邨無畔岸，茫茫楊柳蒹葭。雨餘水漲沒汀沙。鷺鴻投別浦，浴鳥坐沉槎。殘日籬頭閒曬網，垂髫來買魚。鰕得錢沽酒，徑歸家，一聲橫笛外，煙火隔蘆花。

前調

張 埜

蓮幕酒闌人散後，滿庭松竹蕭森。搗殘秋思是鄰砧。翠
屏驚舊夢，白髮入新吟。蓋世勲名將底用，悠悠往古
來。今一燈孤恨，夜牕深。寧間纖筍玉杯冷，軟橙金

前調

無名氏

昨夜驚眠梅雨大，枕前牕上頻敲。天明翻覺夢魂遙。起
來看女伴，熏袖已香消。雲鎖房櫳煙鎖竹，捲簾水濕
鮫綃。菱花低照，拂眉梢。玉梳雲髮潤不喜，上蘭膏。

前題

劉基

街鼓無聲更漏咽不知殘夜如何玉繩歷亂耿銀河鵲
驚穿暗樹露墜滴寒莎夢裏相逢還共說五湖煙水
漁蓑鏡中綠髮漸無多淚如霜後葉撼撼下庭柯

前調

題畫
荷花

吳子孝

寂寞小池涼雨後美人團扇知秋玉容紅沁見時羞倚
風如解佩映水怕擡頭隔浦天香如裊裊多情欲去
還留月明波冷不勝愁采芳何處唱試聽木蘭舟

前調

江陵別內

楊慎

楚塞巴山橫渡口行人莫上江樓征驂去棹兩悠悠相
看臨遠水獨自上孤舟却羨多情沙上鳥雙飛雙宿
河洲今宵明月為誰留團團清影好偏照別離愁

前調

虎丘同濟之作

吳洪

愛此雲巖林壑美梭鞵藤杖追遊生公臺下鶴泉浮與
君成二老譚笑亦風流臺閣功名歸去好便應醉枕
糟丘不須含笑看吳鉤苔花還繡壁波冷蟄龍湫

前調

張 紘

十里紅樓依綠水當年多少風流高城重上使人愁遠
山將落日依舊上簾鉤一曲琵琶思往事青衫淚滿
江州訪鄰休問杜家秋寒煙沙外鳥殘雪渡傍舟

前調

小春

陳子龍

西風料峭黃花暮斜陽一角紅樓羅衣添得又還休銀
蟬寒約指寶鴨暖藏鉤忽憶軟金杯自捧重攜殘燭
淹留於今玉漏更悠悠不知千里夢無奈五更愁

前調

明媛

王鳳嫺

珠簾不捲銀蟾透
夜涼獨自凭闌瑤琴欲整
指生寒鶴歸松露冷
人靜井梧殘
天際一聲新度
鴈翱翔似覓回灘
浮生幾見幾悲歡
三秋今已半
楓葉醉林丹

前調

端午

明媛

葉小鸞

團扇新裁明月影
珠簾半上瓊鈎榴花紅到玉釵頭
絲宜續命綠砌繞
忘憂酒泛菖蒲香
玉碎嫩紅雙壓橫
秋畫船盡日鬧
芳洲蕭蕭煙雨外
還鎖楚江愁

前調

又一體

顧 覓

碧染長空池似鏡倚樓間望凝情滿衣紅藕細香清象
牀珍簟山幃掩玉琴橫 暗想昔時歡笑事如今贏得
愁生博山爐暖澹煙輕蟬吟人靜殘日傍小牕明

御選歷代詩餘卷三十八